



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

Cap. I. De nomine, definitione, & partibus Baptismi.

[urn:nbn:de:hbz:466:1-53934](https://nbn-resolving.de/urn/resolver.pl?urn=urn:nbn:de:hbz:466:1-53934)

## CAPUT PRIMVM.

De nomine, definitione, &amp; partibus Baptismi-

**B**E NOMINE Baptismi nulla dissensio est: utuntur enim omnes hac voce, quod in Scripturis passim habeatur. Significat autem **Baptisma** propriè immersionem. Ordinariè enim Baptismus fit permissionem, idque ad Christi sepulturam representandam, iuxta illud Coloss. 2. **Consepulti ei per Baptismum.** Habet autem apud Patres alia multa nomina, de quibus vide præcipue Clementem, lib. I. Pædagogi, cap. 6. Nazianzenum oratione de Baptismo. & Chrysostomū, homil ad baptizatos; qui vocant Baptismum **illuminationē**, **gratiam**, **donum**, **sigillum**, **mysterium**, **expurgationem**, & alia quædam: sed præcipuum nomen, & communissimum est **φωτισμός**, id est, **illuminationē**: hoc enim præter tres citatos Patres, vtuntur omnes alij Græci posteriores, & ante eos Dionysius Areopagita de Ecclesiastica hierarchia, cap. 2. immo & ipse Apostolus, Hebr. 6. cùm ait: *Impossibile est eos, qui semel sunt illuminati, ex eis.* Et cap. 10. *Rememoramini pristinos dies, in quibus illuminati magnum certamen sustinuitis passionum.* Vnde etiam Cyrillus Hierosolymitanus Catecheses suas de Baptismo, vocat Catecheses illuminatorum. Dicitur aurem **Baptismus illuminationē**, quia in eo infunditur habitus fidei.

Quod autem attinet ad definitionem, S. Thomas, 3. parte q. 66. art. 1. aliquod definitiones ad fert. Sed ex Scripturis Catechismus Romanus aptissimè ita definiuit: **Baptismus est Sacramentum regenerationis per aquam in verbo vitae.** Quæ definitio partim sumitur ex Ioan. 3. partim ex Paulo ad Ephes. 5. Et quidē PRIMO loco ponitur, **Sacramentum**, quod est genus. DE INDE additur, **regenerationis**, quæ differentia est contrahens genus, & distinguens ab Sacrementis veteris legis. TERTIO additur, **per aquam**, quæ est alia differentia, adhuc magis contrahens, & distinguens ab aliis Sacrementis nouæ legis. Etsi enim cetera nō dicuntur propriè regenerare, tamen iustificant impium, ac præsertim Pœnitentia: iustifi-

6 Cap. I. De Sacramento Baptismi. Lib. I.

catio autem impij, præsertim hæretici, aut apostata, parum aut nihil differt à regeneratione. Vnde Galat. 4. Paulus, filius mei, quos iterum parturio. Sed cùm additur, per aquam, iam perspicua differentia est. Non enim reconciliatio pœnitentium est regeneratione per aquam, sed reformatio quædam, & quasi reuocatio ab inferis.

Vbi & illud OBSERVANDVM est, Sacramentum Baptismi non esse ipsam aquam, quæ est res permanēs, sed ablutionem, quæ est res transiens. Itaque Baptismus est Sacramentum regenerationis per aquam, id est, signum externum sanctificans per aquæ alpersonem. DENIQUE additur, in verbo vite, exprimatur etiam forma Sacramenti, quæ est principia passionalia.

Philippus in locis, anni LVIII. tit. de sacrificio, ita definit Baptismum: *Baptismus signum est, quo Deus nobiscum agit, & recipit nos in gratiam.* Sed hæc definitio conuenit omni Sacramento, immò etiam ipsi verbo, quod tamen non est sacramentum.

Caluinus lib. 4. Instit. cap. 15. §. 1. ita definit: *Baptismus est signum initiationis, quo in Ecclesiæ cooptamur societatem, ut Christo insiti inter filios Dei censemur.* Quæ definitio multa habet vitia. Nam neque est essentialis; cùm non attingat ullam partem essentiae Baptismi; neque explicat effectum, seu finem principalem huius Sacramenti. Nam finis principalis secundum Catholicos, immò secundum Scripturas est iustificare, & regenerare; secundum Caluinum (ut ibidem ipse subiungit) est alere fidem more diplomatis signati, qui certè finis in ea definitione nō explicatur, sed solum finis quidam secundarius, qui est testari fidelitatem, quam Deo, & Ecclesiæ debemus, & sic agnoscí, ac numerari inter filios Dei.

ADD E, quod ista definitio conuenit etiam Circumcisione. Nam Circumcisio erat signum initiationis, quo Iudei cooptabantur in Ecclesiæ societatem, & Christo inscrebantur. Nam etiamsi Iudeorum cœtus dicatur Synagoga, quando distinguunt contra Ecclesiam; tamen absolute Ecclesia erat, & Ecclesia Dei vera, antequam Christum negaret. Ipse etiam Christus, licet non fuerit homo tempore synagogæ, nisi in ultimis diebus, tamen ut Deus, semper fuit caput totius Ecclesiæ. Immò etiam, ut homo venturus, & passurus, iam cum erat

erat caput, cui per fidem Hebræi coniungebantur, ei que inse-  
tebantur. Vnde, i. Corinth. 10. Iudæi dicuntur in deserto ten-  
tasse Christum. Et Apocal. 13. dicitur; Agnus occisus ab origi-  
ne mundi. Eadem etiam definitio verbi Dei prædicato conue-  
nire videtur: nam etiam per verbum Dei initiamur, & coopta-  
mur in Ecclesiam, & Christo inferimur.

## CAPVT SECUNDVM.

### De materia Baptismi.

**D**E materia nulla ferè dissensio est, tametsi non pauci errores de hac re aliquando existenterint, vel etiam existant. PRIMVS fuit error Manichæorum, qui teste Augustino, libro de hæres. cap. 46. Baptismum in aqua non putabant adhibendum, quod vide-  
licet aquam ut res ceteras corporales, non Deus, sed Diábo-  
lus procreasset. Magis verecundi fuerunt Marcionistæ, qui et-  
si crederent aquam esse opus mali principij, id est, Diaboli,  
non Dei boni: tamen eam adhibebant in Baptismo ob Chri-  
sti præceptum. Refert Theodoretus, lib. 1. fabul. hæret. se vi-  
disse senem quandam Marcionistam, qui fatebatur in myste-  
rio aquam adhibendam, & tamen ita illam oderat, ut faciem  
suam mallet proprio sputo, quam aqua ablueret, ne videlicet  
creatore indigere videretur.

SECUNDVS error fuit Seleuci, & Hermiæ, qui aquam ex Baptismo excludebant, idq; ob auctoritatem Scripturarum, quæ vbiunque comparant Baptismum Ioannis cum Christi Baptismo, semper affirmant Ioannem baptizasse in aqua, Christum baprizaturū Spiritu sancto, & igne, Matth. 3. Luc. 3. Ioan. 1. Marc. 1. Actor. 1. Referunt hunc errorem Philastrius in lib. de hæresibus, & Augustinus de hæresibus, cap. 59.

TERTIVS error ex eodem fundamento fuit Iacobitarum, qui loco aquæ Baptismalis ferro candente imprimebant in frontibus crucis figuram. Testis est Bernardus Lutzembur-  
gensis in Catalogo hæreticorum.

QUARTVS est Paulicianorum qui teste Euthymio in 2.  
parte Panopliæ titul. 21. pro elemento aquæ in Baptismo illa  
verba substituunt, Ego sum aqua viua.